

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Suliffissarsiortunut ikorsiissutit pillugit Inatsisartut inatsisaat nr. 7, 20. juni 2022-meersoq, suli atuutilersinneqanngitsoq, Naalakkersuisut inoqatinut isiginneriaatsimut tamakkiisumut ilaasutut akuersissutigineqartoq, isumaqarpoq imminut pilersorerusinnaaneq anguniarlugu isumaginninnermut suliassaqarfiup, peqqinnissaqarfiup, suliffeqarnerup aamma ilinniartitaanermut suliassaqarfiup akornanni ataqtigiissasut. Suliffissarsiorneq pillugu aaqqissusseqqinneq uani sunniuteqarpoq, amerlanerusut suliffissaqalernissaannut iluaqutaassalluni taamaalillunilu aataatsimoornermut iluaqutaassallutik.

Suliffissarsiortunut ikorsiissutinik pisartagaqartup, suliffissaaleqisup, suliffittaarnikkut aningasaqarnikkullu nammineq napatisinnaalernikkut suliffeqarnerup iserfiginissaa siunertalarugu suliffeqarnermut attaveqarnermiq eqeersimaartumik akisussaaffigissavaa. Tamatumunga sakkussaq tassaavoq nuna tamakkerlugu digitaliusumik aaqqiissut, suliffissaaleqisoq eqeersimaartumik suliffissarsiortutut nalunaarnissamut pisussaaffeqartoq naammassillugu sullaasumik atuuttumillu CV-mik peqassalluni. Digitaliusumik aaqqiissut innuttaasunut tamanut ammassaaq suliffeqarfiillu sulisussanik piginnaasanillu aalajangersimasunik aaqqiissummi ujarlernissamut aamma suliffissaaleqisoq mailikkut attaveqarfiginissaanut imaluunniit nit-tartakkakkut nalunaaruteqarnissamut periarfissaqassallutik. Suliffissaaleqisoq assinganik atorfinnik inuttaqanngitsunik ujarlersinnaassaaq.

Digitaliusumik aaqqiissut akuersissutigineqartumi, kisianni suli Inatsisartut inatsisaattut atuutilinngitsumi, nittartakkatut aalajangersimalluinnartutut nalunaaqqavoq (suliffinnut nittartagaq www.suli.gl). Tamanna ajortumik kinguneqassaaq, piffissap ingerlanerata digitaliusumillu ineriantornerata naatsorsuutigineqartutut allannguuteqarnissaannut pisariaqartitsinerit takkuppata, Inatsisartut inatsisaat allanngorteqqaarnagu naammassineqarsinnaassanngimmata.

Taamaattumik inatsisisstatut siunnersuut taamaattillugu Inatsisartut inatsisaanni nittartakkamut aalajangersimalluinnartumut innersuussineq imaluunniit digitaliusumik aaqqiissuteqarneq peerneqarpoq. Tamatuma kingorna, Naalakkersuisut innersuussutigisaat tamanut ammasumik digitaliusumik aaqqiissut sunaluunniit, suliffissarsiortunut ikorsiissutinik pisartagaqartup suliffissarsiortutut nalunaarsornissaminut atussavaa.

Aaqqiissut piffissamiit piffissamut allatut taaguuserneqarsinnaavoq, soorlu digitaliusumik ineriantortitsineq imaluunniit IT-mik pilersuisut apeqqutaatillugit.

Digitaliusumik aaqqiissummut tunngatillugu malittarisassat sukkulluunniit atorneqarsinnaanerannut siunnersuut peqataassaaq.

Peqatigitillugu siunnersuutip qulakkeerpa, innuttaasut Inatsisartut inatsisaanni malittarisassat naapertorlugit suliffissarsiortutut nalunaarnissaminnut pisussaaffeqartut, sumi nalunaarsornissamut (tassunga ilanngullugu digitaliusumik aaqqiissut sorleq atorlugu) paasissutissat pisari-aqtut pissarsiarinissaannut periarfissaqarnerat.

2. Siunnersuummi immikkoortut pingaarterit

Qulaani taaneqareersutut sinnersuummi erseqqissarneqarpoq suliffissarsiortunut ikorsiissutnik pisartagaqartut nalunaarsortarnissaat "tamanut ammasumik digitaliusumik aaqqiissummut Naalakkersuisut innersuussutigisaannut" pisarsinnaasoq www.suli.gl-imut taarsiullugu.

Siunnersuummi ilanngullugu qulakkeerneqarpoq suliffissarsiortunut ikorsiissutit pillugit inatsimmi § 14, imm. 3-p nutaamik oqaasertalerneqarmat, sulinngiffeqarnermik nalunaarsuineq "tamanut ammasumik digitaliusumik aaqqiissummut Naalakkersuisut innersuussutigisaannut" pisassasoq www.suli.gl-imut taarsiullugu.

Siunnersuummi naggataatigut qulakkeerneqarpoq, immikkoortoq nutaaq, § 7, imm. 3, Naalakkersuisut qaqugukkulluunniit tamanut ammasumik digitaliusumik aaqqiissut, taassuma iserfigineqarsinnaanera kiisalu Kalaallit Nunaanni Qitiusumik Ingerlatsivinnut Majorianut attaveqarnissamut paasissutissat pillugit paasissutissanik tamanut saqqummiisarnissaat.

Taamaalilluni imm. 3 nutaami qulakkeerneqarpoq, innuttaasut Inatsisartut inatsisaanni malittarisassat naapertorlugit suliffissarsiortutut nalunaarsornissaminnut pisussaaffeqartut, aamma sumi (tassunga ilanngullu digitaliusumik aaqqiissut sorleq atorlugu) nalunaarsuineq pissaner-soq pillugu paasissutissat pisariaqartut pissarsiarisinnaagaat.

3. Pisortanut aningaasaqarnikkut allaffissornikkullu kingunerisassai

Siunnersuut pisortanut aningaasaqarnikkut kinguneqassanngilaq, sulinnummik nutaamik atortussangortitsineq siunnersuummi sammineqanngimmat, kisianni suliffissarsiortunut ikorsiissutit pillugit Inatsisartut inatsisaanni nr. 7, 20. juni 2022-meersumi, pingaarnertut inatsimmi aaqqissuussaq aningaasaliiffigineqareersoq pillugu nassuaanerinnaammatt.

Pisortanut allaffissornikkut kingunerisassaant atatillugu inatsimmik eqquutsitsinermut atatil-lugu pissutsit assingi atuuupput.

4. Inuussutissarsiortunut aningaasaqarnikkut allaffissornikkullu kingunerisassai

Siunnersuut inuussutissarsiortunut aningaasaqarnikkut allaffissornikkullu kinguneqassanngilaq.

5. Avatangiisut, pinngortitamut aamma inuit peqqissusaannut kingunerisassai

Siunnersuut avatangiisut, pinngortitamut aamma inuit peqqissusaannut kinguneqassanngilaq.

6. Innuttaasunut kingunerisassai

Suliffissarsiorputut ikorsiissutinik pisartagaqartup sakkussanut, pisartagaqartup inatsisitigut pisussaaffini naammassinissaanut atugassaminut, tamatigut apeqquserneqarsinnaanngitsumil-lu ilisimasaqarnissaanut siunnersuut peqataassaaq.

7. Pingaarutilinnut allanut kingunerisassai

Siunnersuut pingaarutilinnut allanut kinguneqassanngilaq.

8. Tusarniaaneq

Siunnersuut piffissami ulloq 22. marts 2023-miit ullormut 5. april 2023-mut tusarniaassutigi-neqarpoq makkununnga:

- Atorfillit Kattuffiat (AK)
- Avannaata Kommunia
- Sulisitsisut
- Kommune Kujalleq
- Kommune Qeqertalik
- Kommuneqarfik Sermersooq
- Qeqqata Kommunia
- Sulinerlik Inuussutissarsiuteqartut Kattuffiat (SIK)

Piffisaami tassani siunnersuut tamanut saqqummiunneqarpoq tusarniaanermut nittartakkami www.naalakkersuisut.gl.

Tusarniaanermi akissutit tusarniaanermut akissutinut allakkiami suliarineqarput. Ilanngussaq 2 innersuussutigineqarpoq.

Siunnersummi aalajangersakkat ataasiakkaanut oqaaseqaatit

§ 1-mut

Nr. 1-mut

Suliffissarsiortunut ikorsiissutit pillugit Inatsisartut inatsisaat ulloq 1. januar 2024-mi atuutilissasoq naatsorsuutigineqarpoq.

Suliffissarsiortunut ikorsiissutinik pisartagaqartoq www.suli.gl-imi eqeersimaartumik suliffissarsiortutut nalunaarsornissaminut pisussaaffeqarpoq, naammassillugu suliaasumik atuutumillu CV-mik peqarluni, tak. Inatsisartut inatsisaanni akuersissutaasumi atuutilersinneqangitsumili nr. 7, 20. juni 2022-meersumi § 7, imm. 1.

Tamatuma saniatigut suliffissarsiortunut ikorsiissutinik pisartagaqartoq minnerpaamik sapaitip akunneranut www.suli.gl-imi suliffissarsiortutut nalunaarsortittassaqq tamanut atuuttumik nammineq digitaliusumik ilisarnaatini atorlugu imaluunniit Qitiusumik Ingerlatsivimmi Majoriami nalunaarsortilluni, tak. Inatsisartut inatsisaanni akuersissutaasumi atuutilersinneqanngitsumili nr. 7, 20. juni 2022-meersumi § 7, imm. 2.

Suliffissarsiortunut ikorsiissutinik pisartagaqartoq suliffissarsiortutut sulinngiffeqartutut nalunaarsortissaqq www.suli.gl-imi imaluunniit Qitiusumik Ingerlatsivimmi Majoriami nalunaarsortilluni, tak. Inatsisartut inatsisaanni akuersissutaasumi atuutilersinneqanngitsumili nr. 7, 20. juni 2022-meersumi § 14, imm. 3.

Pisuni tamani elektroniskimik nalunaarsuineq piumasaqaataatillugu, Inatsisartut inatsisaat akuersissutaasoq atuutilersinneqanngitsorli naapertorlugu www.suli.gl-imi pissaaq.

www.suli.gl tassaavoq, Naalakkersuisunit neqeroorutaasoq, nuna tamakkerlugu suliffinnut digitaliusumik nittartagaq.

Suliffinnut nittartagaq nuna tamakkerlugu innuttaasunut suliffeqarfinnullu tamanut atuutissaqq atorfiallu inuttaqanngitsut sorliit, nunami sumiinersut aamma atorfimmi suut pi umasaqaataanersut pitsaasumik tamaat ataatsimut isiginnilersitsissalluni. Suliffinnut nittartagaq nunami suliffeqarfinnut nunami sulisussat piginnaasallu aalajangersimasut ujarnissaat pillugu ataatsimut isiginninnissamut periarfissiissaqq. Suliffeqarfiiit sulisussat piginnaasallu aalajangersimasut ujarnissaannut periarfissaqassapput aamma suliffissaaleqisoq nittartagaq atorlugu mailikkut/nalunaarficalugu attavigineqarsinnaassalluni.

Taamaattumik siunertamut tamatumunnga digitaliusumik aaqqiissut manna toqqarnerani innuttaasunut suliffeqarfinnullu aamma pisortani oqartussaasunut tikikkuminartuunissaa atoruminartuunissaalu pingaartinneqarpoq, aaqqiissutillu attassinnaaneranut aserfallatsaalineranullu pisariaqartunut aningaasaqarnikkut isumalluutinut naleqqiunneqassallutik. Tamanna kinguneqarsinnaavoq aaqqiissut nittartakkamut ilaatinneqalertoq imaluunniit nittartakkamut tamanut atuuttumut, soorlu www.sullissivik.gl aqqutigalugu neqeroorutigineqarloni.

IT-mi ineriertornerup pingaaruteqarluinnartumik piumasaqaatigaa aaqqissuussap nutartertuar-nissaa ineriertortittuarnissaalu, minnerunngitsumik aaqqissuussanut allanut ilanngunneqartil-lugu, assersuutigalugu NemId-mik atuineq tassanngaanniillu MitID-mut ikaarsaardeq.

Tamatuma saniatigut aaqqissuussap ajortoorallaqqasinnaanera il.il. eqqumaffigisariaqarpoq, taamaallilluni innuttaasut pisussaaffimminnik tamatigut eqquutsitsisinnaaqquullugit, ikorsiis-sutinillu pisartagaqarlutik pisinnaatitaaffigisaminnillu sullinneqarlutik.

Taamaattumik piumasaqaatit qulaani taaneqartut ajornannginnerusumik naammassiniarlugit piffissallu ingerlanerani inatsimmik allannguinissamut isumalluutinik atuisoqaqqunagu, Inatsisartut inatsisaanni akuersissutigineqartumi atuutilersinnejanganngitsumili suliffinnut digi-taliusumik nittartagaqarnermut aalajangersimasumik nittartakkamik innersuussuteqarnerup peerneqarnissaa siunnersuutigineqarpoq. Tamatuma kingorna suliffinnut nittartagaq tassaas-saaq tamanut ammasumik digitaliusumik aaqqiissut Naalakkersuisut sukkulluunniit innersu-ussutigisinnaasaat.

Nr. 2-mut

Innuttaasut pisinnaatitaaffitik pisussaaffitillu pillugit ajornaatsumik piffissaagallartillugulu ilisimasaqarnissaannut inatsisitigut innarlitsaalisaanerat aalajangersakkap qulakkiissavaa. Suliffissarsiortunut ikorsiissutinik pisartagaqartup inatsisitigut tunngaveqartumik pisussaaffini malillugit naammassisaqarnissaminut ilisimasaqarnissaanut paassisutissat aaqqutissiutissallugit Naalakkersuisut pisussaaffeqarput.

Nr. 3-mut

Suliffissarsiortut sulinngiffeqartutut nalunaarsornissaq pillugu Inatsisartut inatsisaanni akuer-sissutigineqartumi atortuulersinnejanganngitsumili § 14, imm. 3-mi malittarisassaq siun-nersuummi ingerlateqqinnejärpoq, malittarisassami nittartakkap aalajangersimalluinnartup (suliffinnut nittartagaq www.suli.gl) nalunaarsoqqanera "tamanut ammasumik digitaliusumik aaqqiissut Naalakkersuisunit innersuunneqartoq" nalinginnaanerusumik innersuussunermik taarserlugu allannguutituaralugu.

Taamaallilluni suliffissarsiortut sulinngiffeqartutut nalunaarsornissaat nittartagaq pineqartoq aaqtigalugu pisariaarutissaaq, kisianni tamanut ammasumik digitaliusumik aaqqiissut sunaa-galuartorluunniit Naalakkersuisut innersuussutigisinnaallugu.

§ 2-mut

Inatsisartut inatsisaat ulloq 1. januar 2024-mi atuutilissaq, suliffissarsiortunut ikorsiissutit pil-lugit Inatsisartut inatsisaata nr. 7, 20. juni 2022-meersup atuutilernissaattut naatsorsuutigi-neqartoq peqatigalugu, Inatsisartut inatsisaanni nr. 25, 25. november 2022-meersumi § 57,

imm. 1, Inatsisartut inatsisaatigut nr. 32, 13. juni 2023-meersukkut allanngortinneqartoq naa-pertorlugu nalunaarummik atulersitsinikkut. Suliffissarsiortunut ikorsiissutit pillugit Inatsisartut inatsisaata atuutilerneraniilli innuttaasut pisussaaffii pisinnaatitaaffiilu ersaris-suunissaat paatsoornanngitsumillu oqaasertaqarnissaat anguniagaavoq.

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	<p style="text-align: center;">§ 1</p> <p>Suliffissarsiortunut ikorsiissutit pillugit Inatsisartut inatsisaat nr. 7, 20. juni 2022-meersoq, Inatsisartut inatsisaatigut nr. 25, 25. november 2022-meersukkut aamma Inatsisartut inatsisaatigut nr. 32, 13. juni 2023-meersukkut allanngortinnejartoq, imatut allannguiteqassaaq:</p>
<p>§ 7. Suliffissarsiortunut ikorsiissutinik pisartagaqartoq pisussaavoq eqeersimaar- tutut suliffissarsiortutut nalunaarsorsimanis- samut www.suli.gl -imi, naammassillugulu suliaasumik atuuttumillu CV-mik peqassalluni.</p> <p>Imm. 2. Suliffissarsiortunut ikorsiissutinik pisartagaqartoq minnerpaamik sapaatip akunneranut ataasiarluni nalunaarsortittas- saaq suliffissarsiortutut www.suli.gl -imi tamanut atuuttumik nammineq digitaliusu- mik ilisarnaatini atorlugu, imaluunniit Qitiu- sumik ingerlatsivimmi Majoriami nalunaars- ortinnermigut.</p>	<p>1. § 7, imm. 1-2-mi ima oqaasertalerneqas- sapput:</p> <p>” Suliffissarsiortunut ikorsiissutinik pisartagaqartoq pisussaffeqarpoq eqeersimaar- tutut suliffissarsiortutut nalunaarsornissamut Naalakkersuisunit tamanut atuuttumik digi- taliusumik aaqqiissummi innersuussutigi- neqartumi, naammassillugu suliaasumik atuuttumillu CV-mik peqassalluni.</p> <p>Imm. 2. Suliffissarsiortunut ikorsiissutinik pisartagaqartoq minnerpaamik sapaatip aku- nneranut ataasiarluni nalunaarsortittassaaq suliffissarsiortutut Naalakkersuisunit tama- nut atuuttumik digitaliusumik aaqqiissummi innersuussutigineqartumi tamanut atuut- tumik nammineq digitaliusumik ilisarnaatini atorlugu, imaluunniit Qitiusumik Ingerlatsi- vimmi Majoriami nalunaarsortilluni.”</p>
	<p>2. § 7 imm. 2-p kingorna immikkoortoq nu- taaq ikkunneqassaaq:</p> <p>” Imm. 3. Tamanut atuuttumik digitaliusu- mik aaqqiissut qaqugukkulluunniit tamanut atorsinnaasoq tassungalu isersinnaaneq ki- isalu Kalaallit Nunaanni Qitiusumik Inger- latsivimmut Majoriamut attaveqarfissatut paasissutissat pillugit paasissutissanik</p>

	Naalakkersuisut piffissaagallartillugu tamanut saqqummiussissapput.”
§ 14 <i>Imm. 3.</i> Inuk suliffissarsiortutut sulinngif-feqartutut nalunaarsortissaq www.suli.gl-imu imaluunniit qitiusumik ingerlatsivimmi Majoriami. Inuk pineqartoq suliffissarsiortutut sulinngiffeqartutut nalunaarsorsimanngikkuni sulilernissamut piareersimasutut isigineqassanngilaq.	3. § 14, imm. 3 ima oqaasertalerneqassaaq: ” <i>Imm. 3.</i> Inuk suliffissarsiortoq sulinngif-feqartutut nalunaarsortissaq Naalakkersuis-unit tamanut atuuttumik digitaliusumik aaqqiissumi innersuussutigineqartumi imaluunniit Qitiusumik ingerlatsivimmi Majoriami. Inuk pineqartoq suliffissarsiortoq sulinngiffeqartutut nalunaarsorsimanngikkuni sulilernissamut piareersimasutut isigineqassanngilaq.”
	§ 2 Inatsisartut inatsisaat atuutilissaq ulloq 1. januar 2024.

Tusarniaanermi allakkiaq

Tusarniaanermi akissutit

Tusarniaanermut akissutit makkunanna tiguneqarput:

- Sulisitsisut
- Kommuneqarfik Sermersooq
- Sulinermik Inuussutissarsiuteqartut Kattuffiat (SIK)

Siunnersummut ajunngitsumik akissuteqartut oqaaseqaateqanngitsullu makkuupput:

- Sulisitsisut
- Sulinermik Inuussutissarsiuteqartut Kattuffiat (SIK)

Kommuneqarfik Sermersooq

Siunnersummi allannguuit pillugit pingaarnertut ajunngitsutut isigalugit kommuni allappoq. Ilanngullugu kommunip neriuutigalugu nalunaarutigaa, aaqqissuussap nutaap suliarineranut tunngatillugu Majoriaq ilanngunneqarumaartoq, taamaalilluni pisariaqartitanut naammassis-ninniassammat. Assersuutigalugu iluaqutaassaaq atorfimmik inuttassarsiuinermi piumasa-qaatit CV-mut naapertuutsillugit Majoriaq aamma suliffissarsiortunut ikorsiissutinik pisarta-gaqrtoq nalunaarfingeqartartuuppata, taamaalilluni suliffimmik innersuussinermi allaff-issorneq oqilisaavagineqarluni.